

# UGOVOR O REVIZIJI FINANSIJSKIH IZVJEŠTAJA

## I UGOVORNE STRANE

1. „RECONS“ Društvo za reviziju, računovodstvo i finansijski konsalting Sarajevo, Azize Šaćirbegović bb (u daljem tekstu: Izvršilac posla) koga zastupa Nedžad Grcić, direktor i
1. KJKP TRŽNICE-PIJACE d.o.o. Sarajevo, Mula Mustafe Bašeskije 4a (u daljem tekstu: Naručilac posla), koga zastupa Alija Hodžić, direktor

## II PREDMET, CILJ REVIZIJE, ODGOVORNOST REVIZORA, DJELOKRUG REVIZIJE

### Član 1.

Predmet revizije su finansijski izvještaji KJKP TRŽNICE-PIJACE d.o.o. Sarajevo za 2019. godinu (u daljem tekstu: **Preduzeće**), i to: bilans stanja na dan 31.12.2019. godine, bilans uspjeha, izvještaj o novčanim tokovima i izvještaj o promjenama u kapitalu za godinu koja je završila na taj datum.

Cilj revizije je da omogući revizoru izražavanje mišljenja o tome da li su finansijski izvještaji sačinjeni, u svim bitnim aspektima, u skladu sa Međunarodnim standardima finansijskog izvještavanja (MSFI), odnosno da li na istinit i fer način prezentiraju finansijsku uspješnost preduzeća u obuhvaćenom periodu i finansijski položaj na referentni datum.

Odgovornost za finansijske izvještaje snosi menadžment Preduzeća. To uključuje vođenje adekvatnih računovodstvenih evidencija, ustrojavanje i implementaciju internih kontrola, izbor i primjenu računovodstvenih politika, kao i zaštitu sredstava Preduzeća.

Revizor snosi odgovornost za izraženo mišljenje o tim finansijskim izvještajima na osnovu provedene revizije.

Izvršilac posla će obaviti reviziju u skladu sa Međunarodnim revizijskim standardima (ISA). Ti standardi zahtijevaju postupanje u skladu sa etičkim standardima i planiranje, te obavljanje revizije na način da se stekne razumno uvjerenje o tome jesu li finansijski izvještaji bez značajnog pogrešnog prikazivanja.

Revizija uključuje obavljanje procedura radi dobijanja revizijskih dokaza o iznosima i objavama u finansijskim izvještajima. Revizija također uključuje ocjenjivanje adekvatnosti primijenjenih računovodstvenih politika i razumnosti računovodstvenih procjena Uprave, kao i ocjenu sveukupne prezentacije finansijskih izvještaja.

Zbog prirode testiranja (na bazi uzorka) i drugih inherentnih ograničenja revizije, zajedno sa inherentnim ograničenjima računovodstvenog sistema i sistema interne kontrole, postoji neizbježan rizik da čak i neke značajne greške i nepravilnosti u finansijskim izvještajima mogu ostati neotkriveni.

## III CIJENA I NAČIN PLAĆANJA

### Član 2.

Za izvršene poslove iz ovog Ugovora Naručilac posla će Izvršiocu posla platiti 6.000,00 KM + PDV, odnosno

**7.020,00 KM sa uključenim PDV-om**

#### Način plaćanja:

- 50% po potpisivanju ugovora.

- 50% nakon obavijesti o izvršenoj reviziji i davanju revizorskog mišljenja, a na osnovu ispostavljene poreske fakture sa obračunatim PDV-om

na transakcijski račun broj **1601060000011419** kod **Vakufske banke d.d. Sarajevo.**

#### IV MEĐUSOBNI ODNOSI UGOVORNIH STRANA

##### Član 3.

Izvršilac posla je dužan obezbijediti da informacije i sva saznanja o poslovanju Naručioca posla čuva trajno kao profesionalnu tajnu u skladu sa Kodeksom profesionalne etike revizora.

##### Član 4.

Po okončanju revizije Izvršilac posla će sačiniti Izvještaj o obavljenoj reviziji u 3/tri/ uvezana primjerka, kao i u elektronskoj formi. Pored Izvještaja o obavljenoj reviziji, u slučaju uočenih značajnih nedostataka računovodstvenog sistema i sistema interne kontrole, Izvršilac posla će o takvim zapažanjima sačiniti posebno Pismo upravi. Naručilac posla može od Izvršioca posla zahtijevati prisustvovanje sjednici organa Preduzeća, u cilju prezentiranja ili dodatnog obrazlaganja svojih nalaza i mišljenja.

##### Član 5.

Naručilac posla je dužan obezbijediti Izvršiocu posla: pristup poslovnim knjigama, ispravama i dokumentaciji, informacije i objašnjenja neophodna za obavljanje revizije. U sklopu procesa revizije, možda će se od Uprave zahtijevati pisana potvrda u vezi sa datim usmenim izjavama tokom obavljanja revizije.

##### Član 6.

Izvršilac posla se obavezuje angažman na reviziji okončati u periodu od dvije sedmice (deset radnih dana) od uvođenja u posao od strane Naručioca posla, odnosno dostaviti Izvještaj o obavljenoj reviziji u roku od još 3 radna dana po okončanju revizijskih procedura, a konačan izvještaj u roku od dva dana od dana očitovanja na dostavljeni nacrt izvještaja. Period angažmana uključuje predrevizijske radnje prije sastavljanja finansijskih izvještaja, revizijske procedure, sačinjavanje nacrti i konačnog izvještaja o obavljenoj reviziji. Sa stanovišta Izvršioca posla, ovi rokovi važe u slučaju da su ispunjeni svi uslovi iz prethodnog člana.

#### V ZAVRŠNE ODREDBE

##### Član 7.

Izvršilac posla će revizijske procedure obaviti u prostorijama Preduzeća i u vlastitim prostorijama uz obezbjeđenje dokumentacije i servisiranja uposlenika neophodnog za neometan rad angažovanih ovlaštenih revizora.

##### Član 8.

Ukoliko dode do spora u realizaciji odredbi ovog Ugovora, strane će nastojati riješiti sporazumno, a u protivnom spor će se rješavati pred nadležnim sudom u Sarajevu.

##### Član 9.

Ovaj Ugovor sačinjen je u 4 (četiri) istovjetna primjerka i to po 2 (dva) za svaku ugovornu stranu.

Za Izvršioca posla  
DIREKTOR

Nedžad Grcić

1-10/20  
Sarajevo  
16.01.2020

Broj: 1-3/20

Sarajevo, 15.01.2020. godine

Za Naručioca posla  
DIREKTOR

Alija Hodžić